

P R Æ F A T I O.

inter Corporis Humani partes Sanguinem præcipui esse momenti; quemadmodum enim quamdiu legitima est ejus constitutio, motusque ordinatus, alimentum, vigorem, motum, ipsamque adeo & sanitatem & vitam reliquis viventis machinæ partibus tribuit, ita pariter aut vitiatu sanguis, aut (quod sæpissimè illius depravationis effectus est) inordinatè motus, causa est variorum, sedèsque morborum, quorum proinde curatio ab ejusdem rectificatione, omnino pendet; cum inquam hæc mecum ipse perpendo, tanti argumentum momenti aut hæctenus neglectum suspicor, aut necdum ea, quæ par erat peritiâ industriæque tractatum: sed nequaquam seridè, ut spero, mecum tu agebas, dum me ad hunc defectum tollendum, atque ad afferendam aliquam huic malo medelam sollicitares: neque enim, nôti, Medici mihi partes assumo: cum itaque Medicus non sim, multiplici me oportunitate carere necesse erit qua eorum qui medicam profitentur artem, potior longè sit conditio: Licèt autem non negem pluribus jam abhinc annis proposuisse me ingeniosis quibusdam Medicis historiam fluidarum partium corporis, ut humorum aliorumque succorum, atque etiam spirituum, quin & speciatim variarum quæstionum construxisse catalogum, variâque fecisse experimenta ad Sanguinem pertinentia, cum tamen ea jam scripta perierint, longoque temporis tractu, atque studiis alterius omnino generis quæ magis speciatim continebant, memoriâ exciderint, vix jam alicujus quidpiam momenti ad propositum à te scopum conferre possim. Quia autem facta tuo jussu scriptorum meorum investigatio hæctenus extitit inutilis, & quoniam tum temporis ea mihi exciderunt, cum & robustior mihi valetudo foret, plûsque otii quàm nunc suppeteret, cumque argumenta ad artem medicam spectantia frequentius meditarer, quæ jam de Sanguine ad te transmittam, non ea tantum quæ dici debuère, sed ne ea quidem, ni fallor, quæ de eodem ipse dixi, exæquabunt. Quæ non eo à me consilio dicta sunt, ut mandata tua, impositamve à te provinciam subterfugiam, sed ut tu imperitam adeo obedientiâ excusare ne graveris. Cum enim in mediû adduci à me velis quicquid facta iterum perquisitione, eorum quæ perierant humanum circa Sanguinem mihi occurrit, hac super re satis tibi fiet in tractatu proximè secuturo qui tribus maxime partibus constat: quarum prima seriem titulorum complexa